

四庫全書

集部

欽定四庫全書

文苑英華卷九百九十三

宋 李昉等 編

親族三

祭姨文二首

祭女文二首

祭姪文一首

祭姪女文二首

祭徐氏姨文

李商隱

嗚呼追訣慈念一十八年罪積行違上下無禱天怒猥
集不誅其身再丁憫凶藐無恃怙號潰荼裂心摧骨崩

獲見諸甥來奉遷合舊物半同於泥滓新阡方列於松楸斷手折足厥痛非擬終天歿地此誠莫伸冤痛蒼天苦孤蒼天始某兄弟初遭家難內無強近外乏因依祇奉慈顏被蒙訓勉及除常制方志人曹以頑陋之姿辱師友之義獲因文筆實忝科名三十

集作遷

有司兩被公

選再命芸閣叨跡時賢仲李二人亦志儒墨於顯揚而

雖未進脩

進作脩

而不隳永惟幽靈盍亦垂鑒今者苴

麻假息冀土偷存不即殞傷蓋亦有以伏以奉承大族

載屬哀門三弟未婚一妹處室息眉猶闕家徒索然將
恐烝嘗有曠闕之憂邱隴絕芟除之主延駐晷刻不敢
自私又以祖曾之前未一完兆骨肉之內猶有旅魂將
有米茲克用通便以顯之義雖不敢望無忝之訓庶幾
或存靈其聞之必將加憫然有以沒齒懷恨粉身難忘
者以靈之懿茂而不登遐壽不生賢人使別女致哀猶
子為後哀哀天地云胡不仁默默神祇其何可訴今嵩
與二子既為我甥誓當撫之以慰幽抱男勸其學使得

祿仕女求其偶必擇賢良縱乖宅相之徵庶泯忽諸之
歎壽堂宿啟潛舟既移那期求訣之悲復見重開

集作
闕

之兆以祥忌云近哀憂載迷不獲臨塋達誠撫柩致奠
東望景毫椎心仆身具襚擇䟽灑以淚血日慘風遠叫
號無聲伏惟明靈一賜臨鑒孤苦蒼天不孝蒼天

祭裴氏姨文

前人

嗚呼哀哉靈有行於元和之年返葬於會昌之歲光陰
迭代二十餘秋得不以既葬

集作
葬

闕廟見之儀校卜

二字

集作改
卜言

舉歸宗之禮不幸不祐天實為之椎心泣血孰
知所訴恭惟先德實紹玄風良時不來百里為政愛女
二九思託賢豪誰為行媒來薦之子雖琴瑟而著詠終
天壤以興悲謂之何哉繼以沉恙禱祠無冀奄忽凋違
時先君子以交辟負來南轅已輶接舊陰於桃李寄甃
殞之松楸此際兄弟尚皆乳抱空驚啼於不見未識會
於沉寃淝水東西半紀漂泊某年方就傳家難旋臻躬
奉板輿以引丹旄四海無可歸之地九族無可倚之親

既祔故邱使同逋駭生人窮困

集作異

聞見無所及衣裳

外除旨甘是急乃占數東甸傭書販春日就月將漸立

門構清白之訓幸無辱焉既登太常之第復忝天官之

選免跡縣政刊書祕邱榮養之志終通啟動之期有漸

而天神降罰艱棘再丁弱弟幼妹未笄未冠世

集作眉

緒

猶闕家徒屢空載惟家長之寄偷存晷刻之命號天叫

地五內崩摧然亦以靈寓殯獲嘉向經三紀歸祔之禮

闕然未修是冀苟全得終前限屬劉孽叛換逼近懷城

懼懼焚發之災永抱幽明之累遂以前月初吉攝練告
靈號步東郊訪諸耆舊孤魂何託旅櫬奚依垂興欲墮
之悲幾有將平之恨斷手解體何痛如之灑血荒墟飛
走同感伏惟朝夕二奠不敢久離遂遣義叟一人主張
啟奉抱頭拊背戒以信誠附身附棺庶無遺闕壇山榮
水實惟我家靈其永歸無或栖寓嗚呼哀哉靈沉綿之
際殂背之時某初解扶床猶能託面長成之後豈忘遷
移頃者以先妣年高兼之多恙每欲諮畫即動作咸涕

泣既繁寢膳稍減雖云通禮亦所難言荏苒于斯非敢

怠忽今則南望顯考東望嚴君伯姨在前猶女在後克

當寓殯

疑作殯

歸養幽都雖歿者之兆宅永安而存者之

追攀莫及又以十二房舊城風水為災胡子彭兒藐然

孤小雖古無修墓著在典經而忘禮約情亦許通變今

則已於左坎

集作次

別卜鄰

集作鮮

原重具棺衾再立封樹

通年難遇周

集作同是

月異辰兼小姪寄兒亦來自濟邑駢

魂稚魄依託尊靈遠想先域之旁纍纍相望重溝壑陌

萬古千秋臨穴既乖飲痛何極唯安陽祖妣未祔仍世
遺憂昨本卜孟春便謀啟合會雍店東下逼近行營烽
火朝燃鼓鼙夜動雖徒步舉櫬古有其人用之於今或
為簡率潞冠朝彌則此禮夕行首夏已來亦有通吉儻
天鑒孤藐神聽至誠獲以全茲免負遺託即五服之內
更無流寓之魂一門之中悉共歸全之地今交親饋遺
朝暮饘餼收合盈餘節省費耗所望克終遠事豈敢溫
飽微生苟言斯不誠亦神明誅責老舊僕使總餘兩人

欽定四庫全書

卷九百九十三

靈之組繡餘工翰墨遺跡並收藏篋笥用寄哀傷嗚呼
哀哉薨天當年骨還舊土箕箒尋移於繼室兄弟空哭
於歸魂終天銜冤心骨分裂胞胎氣類寧有舊新呌號
不聞精靈何去寓詞寄奠血滴緘封靈其歸來省此哀
殞傷痛蒼天苦孤蒼天伏惟尚饗

於郎

集作
湖

州別女足娘墓文

李

翱

維長慶元年歲次辛丑十二月癸亥朔十九日辛巳父
舒州刺史翱以酒果之奠敬別於第七女足娘子之靈

吾以前月二十六

集作八

日蒙恩改舒州刺史以明日將

領汝母等水路赴州故以酒果來與汝別嗚呼我為汝

父汝則我

集作吾

女王命有期不得安處延陵喪子葬不

歸吳考之於禮其合矣夫汝之形骨託終此土汝之精

神冥冥不覩上及於天下及於泉鬼神有知汝骨安全

永永終古無有後艱我來訣別灑涕

集作涕淚

漣漣嗚呼哀

哉尚饗

為外姑隴西郡君祭張氏女文

欽定四庫全書

文苑英華
卷九百九十三

六

李商隱

吾配汝先世二十餘年七女五男撫之如一往在南海
令子云亡藐爾兩孤未勝多難提挈而至踰涇涉河十
年之間母子俱盡念汝差長慰吾最深女德婦容光映
姻表秭歸為牧官閑俸優實獲我心用選良對并旒纚
纚環珮鏘鏘螽斯鳳凰兩有深慶汝天集作夫文章播于
友朋身否命屯久而不第郎寧合浦萬里乖離汝寄京
師食貧終歲頃吾南返又往朝那汝實從夫適來岐下

道途雖邇面集猶妨金馬碧雞長懸魂夢及登農揆去

赴天朝汝罷蒲津聿來胥會朝堂夜閤曲榻煖

集作溫

爐

稚子雛孫滿吾懷抱汝時不祐忽爾孀殘撫視冤傷載

慟心骨旋移計下念汝支離卜室築居言遷潁上潞童

作孽使節啟行崎嶇關山暴露戎旅汝失所怙吾猶未

亡念汝弟昆莫任堂構牽哀挽痛偷此殘生日往月來

旋更氣序吾衰汝少吾病汝強誰謂一朝汝先吾逝五

男未冠二女未笄哀憤之深難念

集作全

禮道章兒盧七

取以依吾汝夫先邱遠在江渚群從之內官名且稀劉
四頃年固難返葬始議權厝遂得嘉占白馬呈祥眠牛
薦吉里名三趙地爾九城風水無虞巒岡信美葬於所
始古為達生將命來雲自我為祖今汝之柩斯焉是歸
嗚呼言自淮陽已臨洛宅素棺丹旒託宿城隅盤具盃
醪儼然已備吾將臨汝用雪沉寃介婦諸孫憂吾衰齒
俯令推測云有相妨俗忌巫言吾非甚信牽衣擁路固
不可違

集作
遲

女使僕奴寄詞而往肝腸兼潰血淚無行

嗚呼養昔容華生平淑婉漠然不見永矣何歸將籍掛
諸天遥歸真路將福興靜域湏赴上生將為釁累所招
遂淪幽界將是療治不至枉喪韶年千感集作裝懷萬
疑疊慮觸途氣結舉月心摧天實為之復將何訴嗚呼
汝弟言護靈輜自始及今必誠必信棺衾華好封隧幽
深永從汝夫以安立路寃摧漬結殆集作不勝書嗚呼
有靈領吾此意

祭姪

集作兄子
十二郎

老成文

韓

愈

貞元十九年五月二十六日季父愈聞汝喪之七日乃

集有能字

銜哀致誠使建中遠具時羞之奠告汝二郎子

集作

十二郎

之靈嗚呼吾少孤及長不省所怙惟兄嫂是依中

年兄沒南方吾與汝俱幼從嫂歸葬河陽既又與汝就

食江南零丁孤苦未嘗一日相離也吾上有三兄皆不

幸早世承先人後者在孫唯汝在子唯吾兩世一身形

單影隻嫂常撫汝指吾而言曰韓氏兩世在

集作唯

此而

已汝時幼小當不復記憶吾時雖能記憶亦未知其言

之悲也吾年十九始來京城其後四年而歸視汝又四

年吾往河陽省墳墓遇汝從嫂喪來葬又二年吾佐董

丞相

集有幕字

于汴州汝來省吾止一歲請歸取其孥明年

丞相薨吾去汴州汝不果來是年吾

蜀本有又字

佐戎徐州

使取汝使

集無此字

者始行吾又罷去汝又不果來吾念汝

從于東東亦客也不可以

蜀本有久字

圖久遠者

袁本作不可以圖國

久遠者

莫如西歸將而

集作成

家而致汝嗚呼孰謂

袁本作遠

汝

遽去吾而

集註作先

歿乎吾與汝俱少年以為雖暫相別終

當久相與處故捨汝而旅食京師以求斗斛之祿誠知其如此雖萬乘之公相吾不以一日輟汝而就也去年孟東野往吾書與汝曰吾年未四十而視茫茫而髮蒼蒼而牙齒動搖念諸父與諸兄皆康強而早世如吾之衰者其能久在

集作存

乎吾不可去汝不肯來恐旦暮死

而汝抱無涯之戚也孰謂少者歿而長者存強者夭而病者全乎嗚呼其信然耶其夢耶其傳之非其真耶信也吾兄之盛德而天其嗣乎汝之純明而不克蒙其澤

乎少者强者而夭歿長者衰者而存全乎未可以為信也夢也傳之非其真也東野之書耿蘭之報則何為而在吾側也嗚呼其信然乎

集作矣

吾兄之盛德而夭其嗣

矣汝之純明宜業其家者不克蒙其澤矣所謂天者誠難測而神者誠難得

集作明

矣所謂理者不可推而壽者

不可知矣雖然吾自今年来蒼蒼者或化而為白矣動搖者或脫而落矣毛血日益衰志氣日益微幾何不從汝而死也死

集註作如

而有知其幾何離其無知悲不

蜀本有知

字幾時而不悲者無窮期矣汝之子始十一

集作一

歲吾之

子始五歲少而強者不可保如此孩提者又可

集作可

冀

其成立耶嗚呼哀哉嗚呼哀哉汝去年書云比得軟脚

病往往而劇吾曰是病

集作疾

也江南

集有之字

人常常有之

未始以為憂嗚呼其竟以此而殞其生乎抑別有疾而

至斯極乎汝之書六月十七日也東野云汝歿以六月

二日耿蘭之報無月日蓋東野之使者不知問家人以

日月

集有如字

耿蘭之報不知當言日月

集註作時

東野與吾

書乃問使者使者妄稱

蜀本作傳

以應之耳其然乎

集有其不然乎

今吾使建中祭汝弔汝之孤與汝之乳母彼有食可守而待終喪則待終喪而取以來如不能守以終喪則遂取以來其餘奴婢並令守汝喪吾力能改葬

蜀本有終葬二字

汝於先人之兆然後唯其所願

蜀本有焉字

嗚呼汝病吾不

知時汝歿吾不知日生不能相養

蜀本作以相養

以共居歿又

不得撫汝以盡哀殮不

來本有得字

憑其棺窆不

袁本有得字

臨

其穴吾行

唯作何

負神明而使汝天不孝不慈而不得與

汝相養以生相守以死一在

集作在

天之涯一在地之角

生而影不與吾形相依死而魂不與吾夢相接吾實為

之其又何尤彼蒼者天曷其有極自今也

集作已

往吾其

無意於人世矣當求數頃之田於伊潁之上以待餘盡

集作年

教吾子與汝子幸其成長吾女與汝女待其嫁如

此而已嗚呼言有極

集作字

而情不可終汝其知也耶其

不知也耶嗚呼哀哉尚饗

祭姪女行軍夫人文

令孤楚

年月日某官某致祭于故十三姪女行軍夫人之靈嗚呼婦德尚柔以宜其家人之不幸生也有涯側聞夫人明懿穠華輝奪夜光鮮侔晨葩行軍之妻尚書之女動而中禮欲不踰矩婉彼宋子歸于鄭武主吏之昌副軍大鹵雲霄茲姑琴瑟方調孰云大年曾莫崇朝瞻瞻蘇華不思疑風飄漾漾薤露先旦而消嗚呼哀哉昔也北來繡帷虧蔽今茲南去丹旄容曳遊矣冥漠宛然慈惠嫡女墜心良人迸涕嗚呼哀哉本支百世如水一源况

是鰥夫彌憐小孫千齡共盡萬化如存中奠致詞悲何可言尚饗

奠小姪女寄寄文

李商隱

正月二十五日伯伯以果子弄物招送寄寄體魂歸大塋之旁哀哉爾生四年方復本族既復數月奄然歸無於鞠育而未申結悲傷而何

集作則

極來也何故去也何

緣念當稚戲之辰孰測死生之位時吾赴調京下移家關中事故紛綸光陰遷貿寄瘞爾骨五年于茲白草枯

茲荒塗古陌朝飢誰抱夜渴誰憐爾之栖栖吾有罪矣
今吾仲姊反葬有期遂遷爾靈來復先域平原卜穴刊
石書銘明知過禮之文何忍深情所屬自爾歿後姪輩
數人竹馬玉環繡檐文葆堂前堦下日裏風中弄樂爭

花紛吾左右獨爾精誠不知所之况吾別娶已來嗣

集作

膺緒未立猶子之義倍切他人念往撫存五情空熱鳴


呼榮水之上壇山之側汝乃曾乃祖松檟森行伯姑仲

姑冢

集作墳

墳相接汝來往於此勿怖勿驚華綵衣裳甘

香飲食汝來受此無少無多汝伯祭汝汝父哭汝哀哀
寄寄汝知之耶



文苑英華卷九百九十三

欽定四庫全書

集部

文苑英華卷九百九十四至

六

詳校官庶吉士臣龍廷槐

助教臣常循覆勘

總校官進士臣朱 鈐

校對官助教臣羅萬選

謄錄監生臣顧裕涇

欽定四庫全書

文苑英華卷九百九十四

宋 李昉等 編

親族四

祭妻文二首

祭姨文一首

祭姊夫文一首

為崔氏姊祭大夫何郎文二首

祭新婦文一首

雜祭文九首

祭亡妻博陵郡君文

獨孤及

大厯八年二月十五日檢校司封郎中兼舒州刺史獨
孤及謹以清酌菜果之奠敬祭于故博陵郡君之靈嗚
呼及顧惟鄙薄謬忝合好采繁助祭歲時未幾執手偕
老昊天遽奪齊體苦晚遺跡太早猶未知壽域有涯短
長已臻其極耶將薄祐速豐宜為淑明所棄耶屋壁挂
存琴瑟響絕脩法勤集作勸義今將疇依日月有時龜筮
何集作告協將陟集作涉故路祔于先塋及為印綬所拘不
獲親自封樹豈虞此別死生間之往歲方舟偕來今也

單輅獨歸郊岐不

集作一

慟心骨可絕項者萬事無非去

塵變化茫茫往矣何道今日卮酒將抒永別尚饗

祭妻李氏文

符載

坤道尚順婦德尚柔於維夫人璨璨寡仇玉樹易摧慶
雲不留零落當年職此之由禮云胖合意不為薄矧余
於子既和且樂一朝已矣百端無託穆穆中閨從茲寂
寞常日和鳴尚為邈然此別如何遂欲終天夏木蓋庭
新陰芊眠美景如舊孤魂不還同穴相從乃曰義全斯

言旦旦神無惜焉

祭楊夫人文

白居易

維元和三年歲次戊子八月辛亥朔十九日己巳將仕郎左拾遺翰林學士太原白居易謹以清酌庶羞之奠

敬祭于

集有陳氏二字

楊夫人之靈惟夫人柔明理

集作治

性溫

惠保身靜脩言容動中規度洎承訓師氏作嬪良人茂

四德而蘭幽有香潔百行而玉瑩

集作仁

無玷發為淑問

著為芳猷姻族有輝閨闈是式噫福行

集作仁

何昧積慶

無徵宜享永年遽歸長夜浮生若此永痛如何嗚呼生

必有涯如何不死所甚感者其惟情乎故事劇者情易

鍾深感者理難遣夫人雖從宜

集作
宜其

室竟未辭家畜和

順之誠不得施於娣姒蘊孝恭

集作
茲

之德不得展於舅

姑有志莫伸何恨過此况一嬰沉湎自夏徂秋伏枕七

旬姊妹視疾歸櫬千里弟兄主喪凋桃李之花夫遠不

見失乳哺之愛女小未知其

集作
乃

使哀情倍鍾血属洛

川迢遞秦野蒼茫日慘不見雲愁無色妹孤

集作
姊妹

且病

欽定四庫全書

文苑必華
卷九百九十四

三

親老尤慈哭別一聲聞者腸斷居易早聆懿範近接嘉

姻維私之眷每深百

集作
有一

慟之情何已恭

集作
敬

陳薄奠

庶鑒悲誠尚饗

祭徐姊夫文

李商隱

嗚呼以君之文學以君之政術幼以自立老而不倦亦
可以為君子人矣君子人歟而不即清途不階貴仕此
其命也夫何慊焉始者仲姊有行獲託貴族半產以資
於外姓闔門冀託於仁人將以衰微倚為藩援不圖薄

祐天奪初心仲姊凋殂諸甥不育以親以懿翻為路人
再號再呼莫訴蒼昊尚以君子存伉儷之重敦行李之
私二十年已來雖事賒而意通跡遙而誠密神當賜

集作

自鑒愚豈敢忘逮愚不天再丁凶釁泣血偷息餘生幾

何君亦赤紱銀章淞東從務道途悠邈時序徂遷訝弔
緘之不来忽訃書而俱至感舊懷分情如之何埋玉焚
芝固未可喻嗚呼今來古往人誰不亡於君之亡其酷
斯甚藐然一女終已數齡之後旁宗又未曾立賢弟扶

服東路遇疾洛師徘徊十旬淹不得進浮泛水陸厥途

四千逮旒云歸曠然無主尼姑居宗老之地駙集作駙奴

揔家相之權獲及故阡信為餘慶其所以為祔禮記作附下同

身祔棺之具又豈礙平生之曠達耶日月次遷卜筮斯

叶幽明之異始於今辰愚方纏哀憂瘵恙縻寢不及一

攀宰樹一慟荒阡謝淡成之交申永訣之禮矧余仲妹

君其與集作與歸撫心骨以皆驚投血淚而何筭嗚呼已

哉其何言耶襚衣非華奠物殊薄靈其監此慰我哀心

嗚呼哀哉尚饗

為崔氏姊祭大夫何郎文

符載

嗚呼莫莫女蘿縈紆葛藟我有弱妹克配君子關雎之
化夫婦之始禮奉籩豆義濟死生常恐寡訓昧章惛理
夙夜箴規庶無愧耻結褵成婚垂三十春樂踰鼓瑟敬
越如賓才盛道貴為唐碩臣擁旄樹羽夏水之濱鼎食
錦衣長戟朱輪宗族百口庇公清塵浩浩陂池常為無
津坊崩水涸哀此窮鱗嗚呼序當仲姊自慙踈昧用禮

過恭豐家甚泰良辰美景長幼高會錯落圓方抑揚矜
昧神理如何杳杳茫茫朝榮夕落使人摧傷言自漢江
將歸洛陽喪旗旅櫬親墳舊鄉苟可薦誠蘋藻馨香感
深恩而何報寄沉痛於孤孀

為錢侍御太夫人祭新婦文 前人

嗚呼婦姑之間尊嚴而已情苟不至兩城千里吁嗟新
婦德禮具美心之所親如臂有指齒髮衰暮方用依倚
天降鞠凶骨驚心死新婦門緒薰華沚流深遠貞淑端

一聰明婉婉奉余以敬待夫有則舉案得如賓之禮均
養實鳴鳩之德勤勞絲枲吉蠲酒食自中閨之與外姻
莫不盡其心力嗚呼爾之事吾善非一端柔聲順色迎
意承歡晨鷄初鳴風高露寒環珮至止我心則安今也
年高人間意闌爾復捨我窮泉杳漫房帷空虛孤稚摧
落深沉注視焦然肺肝嗚呼鄉關迢遞道路乖阻權厝
茲地非為永處壽堂猶近如聞晤語靈其慰安無或羈
旅撫棺永訣持觴奠醑寫一慟於高秋望素車以延佇

雜祭文

為岐

集作伎下同

人祭元十郎文

張說

維神龍三年月朔日故岐人伏十善謹以清酌少牢之

奠敬祭于元十郎之靈綠水

集作流

茂樹藻

集作萍

蘿是依

山崩川竭魚鳥何歸恭惟主君高才達節賞心樂事風

流不絕歌艷露華舞迴春雪幸持此技承君餘晚綺羅

脂粉嬌上春自言終代保

集作寶

情親能知一日

集作旦

君

魂

集作思

斷繁絃清管為何人懷主君之一

集作異

顧願猗

命於九原迫夫人之嚴旨遂投足於他門生有十年之

愛况無數日

集作爰無一日

之恩雖強飾容

集作容飾

於新奉心摧

絕而不敢言君子廣德仁心必遍疇昔與君琴樽歡宴
永懷蕙歎俯憐荼苦錫以時珍申哀故宇歔車既展祖
奠斯開悲歌助挽長袖承盃平居好此魂來不來心思
往而莫遂足欲返而遲迴終天地於此訣毒煩冤而難
裁嗚呼哀哉尚饗

祭和靜縣主文

前人

維年月朔日敬祭薛氏太夫人和靜縣主之靈惟夫人

軒庭繁祉羸臺茂淑承訓公宮宜家鄉族博士學問

集作

築尚書題目法度蘋蘩刑儀

集作儀刑

松菊夫拜中令昔同

鮑婦子昇璫閨今類馮母舉案如賓闔門戒友在貴能

降居貧施厚天道初革王風變韶維城落構若木踈條

欽聞積善智洽仁昭克庇二族命服兩朝肅肅柔禮

集作

和如風是暢我我

集作娥

女師如月斯望潘輿獻壽仲祿

方養不吊昊天何德之喪嗚呼哀哉洛邑啟殯長安歸

陌哭慟高堂

集作臺

旌懸舊宅階濕夜露庭陰曉魄嗟我

外姻俱成弔客

為留守賈尚書祭嗣曹王故太妃文

穆員

維年月日某官某乙謹遺某官某以清酌少牢之奠敬
祭于荆南節度觀察使戶部尚書兼御史大夫嗣曹王
故太妃之靈名山大川列于祀典以其所有能利於人
恭惟太妃享用元福乘運之啟受天之終間生親賢為

國藩屏人賴德施祀之攸宜樂貴自生禮宗其本維厥
分聞資於卜鄰報我以榮則公侯其位養我以志則嬰
孩其心如何風樹之悲遽奪晨葩之慶哀哀嗣王泣血終
制既及先遠疚焉如新中貴護喪有司備物詔臨祖奠
弔集同盟風物含悽簫笳啟路泉扉一閉松月千秋黍
稷非馨精誠所至尚饗

為杜相公祭易棣張相公太夫人文

符載

熊羆之門將大而榮必有令母贊成家聲於維尊儀涵
懿稟靈德補陰教言為婦經輔助司空淑茂芳馨大君
有命啟封于邢宜保攸長既休且寧鞠凶何謂鍾我天
齡英英家

疑作冢

子少年杖鉞身靜邊封世間忠節孟軻

賢聖陶侃勲列實由二母卜鄰截髮端揆承訓事君禮
竭知與古人異時同轍杯圈猶澤扇枕永訣創鉅痛深
如荼泣血某以拙薄叨鎮藩維偕分天子之茅土共列
太常之旌旗歲月崩迫窀穸有期拘以戎事無因載馳

風景蕭索山川逶迤遣蘋藻以寫慟瞻壽堂而淒其

為魏元忠祭石嶺戰亡兵士文

張說

維長安二年月朔日勅并州道行軍大總管兼宣勞使
左肅政御史大夫同鳳閣鸞臺三品兼知并州事魏元
忠遣裴思益以酒脯時果之奠致祭于石嶺戰歿兵士
之靈邊烽漫天南牧吠主石嶺橫地北都扃戶興

集作與

我王卒保界并土如何不弔惟此寇虜列鎮既嚴連嚴

既削攻則路險守非惡滅

集作城惡

彼謀匪臧實愆偕作援

絕兵減軍孤勢弱地拒兩陁山望雙寧風塵天起白刃
交錯石盡矢窮旗焚冒落嗟爾戰夫烈烈忠勇奮不顧
命志無旋踵身歿名揚生輕義重天子命我理兵晉陽
思與士衆底寧遐荒痛茲壯士翦為國殤盡訴天帝降
厲鬼方助氣金鼓復怨沙場虜血爾酹虜醢爾嘗封屍
死所招魂故鄉尚饗

為魏元忠祭石嶺沒陷士女文前人

維長安二年月朔日勅并州道行軍大總管兼宣勞使
左肅政御史大夫同鳳閣鸞臺三品兼知并州事魏元
忠遣裴思益以酒脯時果之奠致祭石嶺死亡百姓之
靈北蕃自擅賊害不道氣悍朔風馬肥秋草侵軼郡縣
驚逼稚老奔走山林是賴集作障是保兵不善守將不遠

謀如何滅竄無復燒牛伴爾士女燔于寇讐魂飛鋒刃
血送羶裘傷悲雨哭氣怨天愁總兵帝鄉言念北阜抗
憤朔漠傷心按部泣弔郊童哀問田叟為爾復惡誓滅

羣醜蹴踏蘭山脂膏薺數誠若克就歿亦不朽慰爾衆
靈醉此簞酒尚饗

祭歿將文

為杜尚書

梁肅

年月日某使某謹以清酌之奠敬祭于壽州鎮遏十將
何鄭江某官三士之靈嗚呼勤身奉主之謂忠臨敵致
果之謂勇以死成名之謂節惟此三士具茲三美昨者
封境不靜寇竊斯興集作受春各領軍行以當扞守山谷積
阻矢石相陵謀無所用志必有死遂使勇集作英氣挫於

小醜雄心屈於短兵人之云亡斯害也已嗚呼哀哉我
居藩鎮不能守在四隣爾有忠勲遂乃沒于

集作於

一戰

且憤且歎激于中腹

集作腸是

知以今辰旋定歸壽

集作旋歸壽陽

爰遣奠醑用申悲涼加爾贈賻卹爾孤孀魂而有知知
予不忘人誰不終所貴名揚已矣三士俱為國殤嗚呼
哀哉尚饗

衡州祭者

集作拓

里渡溺死百姓文

呂溫

維元和五年歲次庚寅十月戊辰朔十七日甲申刺史

呂某遣故衙前虞候何防以豚酒蔬果

二字集作之奠

致祭蘇

昇陳演李寬泰陳甫魯餘之靈爾等五人感余誠信力

輸公稅爭赴先期溪山阻深潦水

集作潦

暴至不忍欺我

忘其險艱州令未明津渡不謹致此淪逝咎由使君興
言涕流痛念何及聊申薄酌兼致微贈代納殘稅皆余
俸錢魂而有知諒此深意尚饗

道州祭百姓鄧助貲念文

前人

維元和五年歲次庚寅五月庚子朔七景午刺史呂

某遣衙前虞候蔣洛

集作沼

以酒脯之奠告鄧助費念之

靈使君受命牧汝不能庇護使賊孟鸞等敢作不道酷

加殺害是用疚心疾首萬計討擒廉使仁明不貸兇惡

窮泉冤痛今日方申慙念無及潛然泣下故令於汝歿

處陳賊之屍魂而有知歆此告酌

集作酌

嗚呼傷

集作哀

哉

文苑英華卷九百九十四

欽定四庫全書

文苑英華卷九百九十五

宋 李昉等 編

神祠一 祭 崇 禍

祭百神文一首

祭名山文四首

祭城隍文四首

祭海文一首

祭城文二首

祭龍文二首

祭浙江文一首

禡牙文一首

祭燾文一首

黃州準赦祭百神文

杜牧

會昌二年歲次壬戌夏四月乙丑朔二十二日丁亥皇

帝御宣政殿

集作樓非

百辟卿士稽首再拜敢上仁聖文武

至神大孝尊號于皇帝受冊禮畢廻

集作此字

御丹鳳樓因

大赦天下咸告天下刺史宜祭境內神祇有益於人者

可抽常所上賦以備供具牧為刺史實守黃州夏六月

甲子朔十八日辛巳伏準赦書得祭諸神因為文稱讚

皇帝功德用饗神云皇帝嗣帝天飾天付前壬申年造

統天

集作大

業慈仁寬恩聖明文武或曰誅殛曰我父母

譬彼嬰兒豈不可怒

集作怒

或曰畋游苑大林深囁嚅跳

突千毛萬羽裂鵬擒其樂無伍皇帝曰不匪我不知

言豈假汝未撫四夷未考百度天地宗廟未陳簋盞如

寐未寤如痒未愈斥退狗馬未可以御或曰酒飲順氣

貌神莫

集作此字

酋樂工習自祖

集有育字

父瑤簪繡裙千萬侍

女酬以觥筯助之歌舞富貴四海不樂何苦皇帝曰不

如聞四海

集作海

蝗蔽田畝或曰亢旱或曰淫雨穉老孤

寡未盡得所聞一有是首不能舉乃拔畷良乃登耆

集作

耆

老夕思朝議依規約矩詳刑定法深刻不取標揭典

制酌之中古遠師太宗近法憲祖怵慄思惟不治是懼

四國既平六職攸序黍稷稻粱嘔啞俯僂父父子子供

養撫乳

集作父子供養嬰兒撫乳

萬里齊俗實皇帝力繫眠而食罔

知其故皇帝乃曰予見郊廟嚴法物旃旗旒

集作旌旗一作旒旒

五帝坐壇百神位

集作立

坵鬼嶷矜蠻捧爵是醺海外天

內戎狄蠻夷竒服異貌伏于除外觀喜呌噪迴御丹鳳

大赦四海改元會昌減論有罪紹功嗣德披

集作搜

剔幽

昧寒暑合節風輕雨碎穀溢陳困畜繁牖大東南西北

根

集作限

岸壇紀無有頃憚

得可反

不識災害三事大夫邦

伯諸侯曰皇帝德古不能侔謳歌謠詠安得

集作能

可稱

百工庶人亦有聚謀拜章口呼願上大號神聽天聞欲

揚皇帝之休

四字集作洪休

帝曰

集作二字帝曰

無功不可虛受懇請

不已出涕叩頭皇帝不能止曰予慙羞曰因大赦惟新

九州不窮不詐不饑不偷有窮有饑實吏之尤予實天

史許之省脩約束教誠纖悉丁寧品類細偉各當源流

皇帝曰俞股肱耳目誠爾

集作示非

竭力寒暑風雨宜神是

酬匪神之力其誰能謀凡爾守土各報爾望剝烹羹載

無愛羊牛天下聞命奔走承事牧實遭遇亦忝刺史齋

齋惕慄臨谷將墜視牲濯爵

四字集作視牲
啟毛濯爵置帟

不委下吏

餽羞具潔罔有不備衣冠待曉坐以假寐步及神宇踏

足屏氣神實在前敬恭跪起詩不云乎皇天上帝伊誰

云憎天憎罪人天可指視止殃其身豈可傍熾刺史有

罪可病可死其身未塞可及妻子無作水旱以及閭里
皇帝仁聖神祇聰明唱和符同相為表裏黃治雖遠黃
俗雖鄙皇帝視之遠近一致洋洋在上實提人紀無負
皇帝自作羞愧月維季夏日維辛巳實神降止神如有
言我答皇帝寒暑風雨其期必至瘡癘水旱永永止弭
爾為官人勉為其集作爾治牧敬再拜汗流霑地

祭霍山文

張說

長安二年月日皇帝使并州道

集作大字

行軍副大總管尹

元凱等敬薦酒脯時果昭

集作敢

告霍山之靈皇帝天覆

萬物各遂其性禮乎

集作利于

群神罔不咸秩獨彼凶虜默

歆悖天雲人窺邊猾夏略無寧歲皇帝哀此黎獻勤於

征役憫彼夷落毒於昏暴常欲誅其魁首安是藩毗寇

雲盈稔神人同棄今自送死并朔近驚

集作警

山陵命將

出師龔行天罰惟神炳靈參野作鎮冀方歆是正直贊

揚威武俾敵馬化為沙蟲王師衆於草木獻捷之日昭

報神休尚饗

別瀟山神文

李翱

維長慶三年歲次癸卯十月壬午朔二十七日戊寅朝

議郎守尚書禮部郎中上輕車都尉李翱謹遣舒州攝

蜀本作提

要籍司衙前虞候吳潭以清酒鹿脯告辭於瀟山

大神之靈翱自去歲來臨此邦遭罹炎旱淮左畢同鄰

郡逝亡十家六空惟此舒人安業于農我政無能遣此

歲凶災同報異乃神之聰事幸無敗譽斯有融遂忝帝

命復官南宮皆神所祐我亦何功將赴京邑路沿大江

遣使告辭神鑒余表尚饗

祭匡山文

白居易

維元和十二年歲次丁酉朔二十一日辛巳將仕郎江
州司馬白居易謹以清酌之奠敢昭告于匡山神之靈
恭惟神道正直聰明扶持匡廬福利動植居易賦命蹇
薄與時參差願於靈山栖此陋質遺愛寺側既置草堂
欲居其中參禪養素而開構池宇在神域中往來道途
由神門外輒用酒脯告虔于神神其聽之歆此薄奠非

敢徼福所期薦誠尚饗

祭廬山文

前人

維元和十二年歲次丁酉二月辛酉朔二十五日乙酉

將仕郎江州司馬白居易以香火酒脯敢告于廬山遺

愛寺四倚

集作傍

上下大小諸神居易夙聞匡廬天下神

秀幸因在官

集作佐位

得造茲山又聞遠宗雷同居于是道

俗並處古之遺風而遺愛西偏鄭氏舊隱三寺長老招

于此居創新室

集作堂

宇疏舊泉沼或來或往栖遲其間

不惟耽翫水石以樂野性亦欲擺去煩惱漸歸空門儻
秩滿已來得以自遂餘生終老願託于斯今葺構既成
遊日集作息方始爰以潔敬薦茲馨香不敢媚神不敢攘
福但使疵癘不作魑集作魍魅不逢猛獸毒蟲各安其所
苟人居之靜謐則神道之光明齋心露誠庶幾有答尚
饗

祭城隍文

張說

維大唐開元五年歲次丁巳四月庚午朔二十日己丑

荊州大都督府長史上柱國燕國公張說謹以清酌之
奠敢昭告于城隍之神山澤以通氣為靈城隍以積陰
為德致和產物助天育人人之仰恩是闕禮集作祀典說
恭承朝命綱紀南邦式崇薦禮以展勤敬庶降福四毗
式登集作登我百穀猛獸不搏毒蟲不噬精誠或通昭鑒非
遠尚饗

祭桂州城隍神祝文

李商隱

維大中元年歲次丁卯八月甲午朔二十七日庚申桂

州管内都防禦觀察處置等使正議大夫使持節桂州
諸軍事守桂刺史兼御史中丞上柱國賜紫金魚袋鄭
某謹遣直官攝功曹參軍文林郎守陽朔縣令莊敬質
謹以旨酒庶羞之奠祭于城隍之神濬洫崇墉所以固
吾圉春秋報所以輔農功今白露雷收蟲坏水涸念
時暘而時雨將乃積而乃倉敢以吉辰式陳常典神其
保茲正直歆彼馨香聿念前脩勿虧明鑒音房豹變樂
陵之井味任延易九真之風土

集作
土風

豈獨人謀仰由冥

助今猶古也神實聽之

為安平公兗州祭城隍神文 前人

年月日致祭于城隍之神四民攸居是分都邑五兵未
息爰假金湯神受命上立守職茲土擁長雲之壘提却
月之宮主張威靈彈厭氛祲某方宣朝旨永總藩條帳
中之列既安幕內之籌敢失神其守同石堡護等玉關
長令萃若岍焉無使復於隍也

為懷州李使君祭城隍神文 前人

某謬蒙朝獎叨領藩條熊軾初臨虎符適至敢資靈於
水土冀同固於金湯況彼潞人實逆天理固承明之地
以作巢窠毆康樂之民以為蝱賊一至於此其能久乎
惟神廣扇威靈劃開聲勢俾犯境者望飛鳥集作鳥而自
遁此滔天者聽唳鶴以虛聲崇墉載嚴巨塹無壅今來
古往永無川竭之因萬歲千秋莫有土崩之事神其聽
之無易我言

崇海文

陳子昂

萬歲通天二年月日清邊道軍海運度支大使

肝本有魚字

虞部郎中王玄珪敢以牲酒沉浮海王之神神之聽之

我國家昭列象胥惠養戎貊百蠻率職萬方攸同鮮卑

猖狂忘道悖亂人棄不保王師用征故有度遼諸軍橫

海諸

集作之

將天子命我羸糧景從今旌甲雲屯樓舡霧

集且欲浮碣石凌方壺襲朔裔即幽都而溟漲

集作漲海

無

倪雲濤洄滴孤山遠島鴻洞天波惟爾蕭恭祀

集作令

典

導鷁首屏

集作騎

鯨魚呵風伯遏天吳使蒼猊不驚皇師

允濟攘慝剿雲安人定災蒼蒼群生非神孰賴無昏汨
亂流而作神羞急急如律令

崇城門文

張說

維大唐開元五年荊州大都督府長史上柱國燕國公
張說謹遣議郎行錄事參軍皇甫嶧敢告于大府城門
天有三光地有五行陰陽順序庶物以生霖雨過旬晦
昧不晴奈何以陰賊陽以蒙蔽明恐害嘉穀無奉粢盛
維爾崇墉本人所營積陰攸處德在助成苟人是利亦

神是臧速收雲雨以復天常報爾特集作時豚薦爾馨香
謹以清酌脯醢式陳崇事尚饗

崇北城門文為濠州刺史作 白居易

年月日某官某敬以醴幣崇于

集有外字

城北門某聞四

集作

北廊四門之神有水旱之災於是乎崇之今年春天作

淫雨將害于農墊于民惟神積陰之氣惟北太陰之位

是用昭告於城之北惟門有神裁之某以天子休命殷

于是邦大懼天

京本作天

厲之不時俾黎民阻饑敢以止辭

告神神若之何不聽敢以至誠感神神若之何不吊尚
克陰沴不作時暢咸若百穀用成庶民用寧實惟鄘之
神門之靈於戲北鄘北門之神明聽斯言罔俾兩昏墊
以作某之憂神之羞尚饗

崇土龍文

獨孤及

陽驕陰伏女魃作孽孟夏不雨至于是月后土將乾百
穀恐竭天道下濟龍德正中宜其甘雨亦祥其風日歲
與時俾和而豐胡屯其膏

集作胡然屯膏

物乃殄瘁民用艱食

神將之祀豈天不仁豈龍不智蓋正直以是輔憫雲漢

於下土詔列缺使舉火命商羊以鼓舞瞬兮為雲霓

集作

霖

兮為雨滲我王土而毛之取我黍稷而膏之俾爾稼

如茨俾爾穗如坻寶藏為盛為粢無貽龍羞俾神我欺

尚饗

崇

集作祭

龍文

白居易

維長慶三年歲次癸卯八月癸未朔二日甲申朝議大
夫使持節杭州諸軍事守杭州刺史上柱國白居易率

寮吏薦香火拜告于北方黑龍惟龍其色玄其位坎其
神士癸與水通靈昨者歷禱四方寂然無應今故虔誠
潔意改命於黑龍龍無水欲何依神無靈將恐歇澤能
川本作無救物我實有望於龍物不自神龍豈無求於我若
三日之內一雨霽霽是龍之靈亦人之幸禮無不報神
其聽之急急如律令

崇

集作祭

浙江文

前人

維長慶四年歲次甲辰五月己酉朔四日壬子朝議大

夫持使節杭州諸軍事守杭州刺史上柱國白某謹以

清酌少牢之奠敢昭告于浙江之神滔滔大江南國之

紀潤下

集作安波

則為利幹

集作洧

流則為害故我上帝命神

司之今屬潮濤失常奔激西北水無知也如有憑焉浸

淫郊鄺壤敗廬舍人墜墊溺顛天無辜居易祇承

集作奉

璽書興利除害守土守水職與神同是用備物致誠躬

自虔禱庶俾水返于

集作歸

壑谷遷為陵土不騫崩人無

蕩析敢以醴幣羊豕沉奠于江惟神裁之無忝祀典尚

饗

禡牙文

陳子昂

萬歲通天二年正

集作三

月朔日清邊道大總管建安郡

王某敢以牲牢告軍牙之神蓋先王作兵以討有罪姦
慝竊命戎夷不恭則必肆諸市朝大戮原野我皇周子
育萬國寵綏百蠻青雲干呂白環入貢久有年矣契丹
凶羯敢亂天常乃蜂聚九山永食遼塞

集作注野

宴安鴆毒

作為槐槍天厭其凶國用致討皇帝命我肅將王誅今

大軍已集吉辰叶應旄頭首建羽旆前列夷貊咸集

集作

威將士聽誓方俟天休命為人殄災惟爾有神尚殲乃

醜召太一會雷公翼白虎乘青龍星流彗掃永清朔商

使兵不血刃戎夏大同以昭我天子之德允乃

肝本作爾字

神之功豈非正直克明哉無縱世讐以作神羞急急如

律令

祭纛文

獨孤及

年月日都統江淮之南節度觀察處置等使戶部尚書

李岍謹以少牢之奠敬神于六齋之神天地不仁神明

無親惟正

集作德

是與若嚮

疑作響

之答敢有象恭滔天構

釁稱亂國有明罰神其捨諸賊劉展假寵多難敢包狼

心竊發蠱毒將敷虐于我上下神祇使東溟揚波群動

昏墊皇帝震怒按劍授鉞

集作俾勦亂啓

命我上將底天之伐

於是虎牙鷹揚之臣虵矛犀渠之群橫行而東我伐用

張月羽

集作孤

雲旗以先啟行方將歷潯陽下南陵收京

口掃建業斲梟獍以釁鼓封鯨鯢為京觀俾萬里浪破

三象霧廓今以令月吉月釐

集作整

駕即路是用徼福于

爾有神惟神降衷尚弼余志敢告無靡旗無絰騂無汰
輶無僨車命五將護野萬靈並轂令天地氛祲望風掃
除魑魅魍罔不率俾莫我敢遏為神祇羞

文苑英華卷九百九十九

欽定四庫全書

文苑英華卷九百九十六

宋 李昉等 編

神祠二

祈禱

祭江祈晴文一首

祭城隍祈晴文一首

祭龍潭祈雨文一首

祭蜀先主祈晴文一首

白帝祠祈雨文一首

祭皖山神祈雨文一首

祭吳塘祈雨文一首

祭漢武帝祈雨文一首

禱仇王神文一首

祈臯亭神文一首

祭城隍祈雨文一首

鄭州禱雨文一首

祭江祈晴文

張說

滔滔大江南國之紀叶靈通氣降福禦災是載方冊代

存祀典歲惟秋季邦

集作苗

稼大熟雨霖猥集農夫未收

油油秋稻垂生牙蘗上則粢盛

集作神威

將廢下則人天

集作

心何仰公私憂窘靡禱不周祈

集作訴

爾明靈撤此雲雨

欽諸

一作以

牲幣俟答神休謹以嘉酌脯醢敬崇禋請

祭洪州城隍神祈晴文

張九齡

維開元十五年歲次丁卯六月壬寅朔十日辛亥中散
大夫使持節都督洪州諸軍事洪州刺史上柱國曲江
縣開國男張九齡謹以清酌脯醢之奠敬祭于城隍神
之靈恭惟明神懿此潛德城池是保毗庶是依精靈以

康

一作秉

正直攸好九齡忝牧茲郡敢忘在公道雖隔於

幽明事或同於表裏今水潦所降亦惟其時而淫雨不

止恐害嘉穀穀者人之所以為命人者神之所以有

一作

為祀祀不可以為利義不可以不福闔境山川能致雲

雨豈無節制願達精誠以時弭災無或失稔則理人有

助是有

集作所

望於神明尚饗

祭龍潭祈雨文

唐次

維年月日謹以清酌之奠致祭于清江石門之龍潭曰
惟龍圖全其軀以安其居庇祐蟪蛄馴擾龜魚龍之道
也興致雲雨鼓動雷霆稔此蒸人助我發生龍之用也
全其軀莫若靈茲潭安其居莫若庇茲土龍生雲霧雲
能施雨雨雲感召黎元鼓舞既慶成熟而無癘疵也今

歲旱曠金石將流水不潤下江不勝舟種稔皆萎稂莠
滿野雷隱隱而有聲雨垂垂而不下名山大澤颯_疑浮
野馬唯龍獨潛茲潭瀕洞泓澄水面如紙纖雲不生邃
宮固護重門晝扃不克民望不歆我誠若旱氣滌滌秋
成莽鹵自利深淵乖張嬾旅我當涸龍之潭露龍之處
跨龍之脊鞭龍之股俾之揚雲而大其雨是則人役龍
也非龍德於人若果我懇懷酬報當極投以金龍增以
石玉潛鼉皆血翔鷺盡炙其餘馨美亦滿瑤席嗚呼初

薦至誠中告直詞未嘗肆力以用其奇惟龍惟靈念茲
急急如律令

祭蜀先主祈晴文

前人

年月日某官謹遣某乙以清酌之奠敢昭薦於蜀先主
之靈惟靈開業保疆始終此土英聲厚德實冠於時知
人拔才橫出千古仁深運促徂落於茲宮觀雖平廟貌
猶在歲時水旱皆薦馨香德惠於人人仰其德氓心吏
意小大皆虔今夏潦逾旬洪波四漲邑屋有墊溺之懼

麥未有淹浸之危而急浪奔流漸衰高嶺某奉詔守郡
政化未敷懼其災沴以病稼穡敬奠玄醴又燔薰香庶
以精誠感於明德使神明之佐騁其智英勇之將奮其
怒以遏雷霆之震以滅漂蕩之聲鏡洗層霄百物蒸茂
濕雲不泄陰霓潛收開此晴霽以欽神化祈而有應大
報牲牢伏惟尚饗

白帝祠祈雨文

前人

維年月日謹以清酌之奠敢昭薦於公孫帝之靈帝以

雄傑之度遇雲雷之屯思翼中夏遂荒南土覽江山之
積阻愬威武以鎮衛高築雉堞遂城於茲憑秋方肅殺
之名阨硤口崩騰之險邦人敬仰永飾閼宮水旱之災
每歲祈禱而斯應福及黎庶今大火已流商風始至時
方旱暵稼穡如燔敢以精誠用祈明哲庶滂沱大霑匪
夕而朝酬報之盛冀填瑤席

祭皖山神祈雨文

獨孤及

年月日朝散大夫檢校司封郎中兼舒州刺史充當州

團練守捉使賜紫獨孤及奉勅以清酌之奠敢昭告於

皖山神之靈頃緣亢陽不雨棗盛將敗以人願乞靈於

神謂必肝蠻端錫

集作賜

介福俄以浹日未蒙降衷潤礎

不御

集作微

觸石無望稼穡盡瘁溪澗將竭豈有悔怒將

為毒痛不然何曠

集作痕

我以旱使滌滌至此今元元怨

咨皇帝盱食下罪已之詔崇羣神之祀將以敬恭之懇

徼福

集有十字

明神神其沛然迴慮驟降以雨使枯苗復生

饑者得食上以應聖主乾乾之心下以副萬人顙顙之

望是人性命與神存亡敢不以大牢小牢剛鬣鵞

集作
翰

音之薦以為明祀以報純嘏若猶固陰蓄繇冲冲如初

集作陽固陰

神則不明下人將何賴亦當撤馨香

集作
惟馨

之奠寢嚴裡之儀祭禮興廢在此一雨敢固陳告庶無
神羞尚饗

祭吳塘神祈雨文

前人

年月日朝散大夫檢校司封郎中兼舒州刺史獨孤及
謹以清酌之奠敢昭告於吳唐之神

二字集作
神之靈

山作靈

鎮神寶司之人作神主及實尸之神非人罔以薦馨香

人非神罔以降福祥馨香不薦伊人之尤福祥不降亦

神之羞及剖符為邦今二年矣制節謹度不敢怠遑庶

逃

集作無

罪悔以奉裡祀祭未豐潔政或頗類守實及責

集作實及之責

非人之慙惟神祐之俾大有年今盛夏旱蒸五

稼將枯田畷訴號靡知其辜明神豈不降鑒下土油然

為雲濡然為

集作

雨使萬人歡康百穀阜滋灑我公田

遂及我私我京我庾維萬維億豈伊人粒神亦血食衆

心顯顯非歲曷望望之濟否惟神所相尚饗

祠漢武帝祈雨文

沈亞之

維長慶三年正月己巳櫟陽尉沈亞之承命於大京兆
以歲旱用乾肉清醪恭祀於漢武皇帝之祠下因巫人
以達其祝語嗚呼陰陽水旱其司唯神五行六氣神得
而均如愆作災神何為仁惟神昔帝漢日何祥不臻雍
熙滂洋其甘露麒麟集作麒麟人荷為澤亦仰如春氣配高
明歿為神君集作歿而為神非不漏誅屈抑不伸集作居漏必誅居抑必伸

今者獻陽始歲亢而為屯草木蔽萌塞脉沈津不蒸不

洩逾于十旬雨師恹

集作慢

傲尸違不賓潛深踞

集作驕

高

枯此下人風伯翳戲簸陶濃塵瀆為凝霾全若頽雲鴻

混突渤上蒙無垠掩蔽光明以垢春晨彼風伯雨師皆

神所司處位不職荒役不祇神假之權使之胡

集作用

為

上帝如怒其殃孰懼神明胡不督其

闕

集作欺

壞

法者戮後期者咎然後陰湊陽蒸雨膏以時發生有涯

農力有施今官庶併誠虔虔於祠集於宮室鼓舞彈吹

神其聽之無敢苟祈

禱仇王神文

白居易

維長慶三年歲次癸卯八月癸未朔十七日己亥朝議
大夫使持節杭州諸軍事守杭州刺史上柱國白居易
謹遣朝議郎行餘杭縣令常師儒以清酌之奠敬祭于
仇王神嘗聞神者所以司土地主山川率禽獸福生人
也餘杭縣自去年冬逮今秋虎暴者非一神其知之乎
人死者非一神其念之乎居易與師儒猥居牧守慙無

政化不能使渡江出境是用居虔告於神惟神廟居血
食非人不立則人神之主也獸神之屬也今縱其屬殘
其主於神何利焉於人何辜焉一告之後神具有知即
能耀靈申威伏猛禁暴是人之福幸亦神之昭昭若人
苦不聞獸害不去是無神也人何望焉嗚呼正直聰明
盡鑒於此尚饗

祈臯亭神文

前人

維長慶三年歲次癸卯七月癸丑朔十六日戊辰朝議

大夫使持節杭州諸軍事守杭州刺史上柱國白居易
以酒乳香果昭告于臯亭廟神去秋憊陽今夏少雨實
憂災沴重困杭人居易忝奉詔條愧無政術既逢憊序
不敢寧居一昨禱伍相神祈城隍祠靈雖有應雨未霑
足是用選日祇事敬請於神恭聞明神稟靈於陰祇資
善於釋氏聰明正直潔靖慈仁無幽不通有感必應今
則齋心虔告神其鑒之若四封之間五日之內雨澤霑
足稼穡滋稔敢不增脩像設重薦馨香歌舞鼓鐘備物

以報如此則不獨人之福亦惟神之光若寂寥自處肝
蠻無應長吏虔誠而不答下民顙望而不知坐觀田農
使至枯悴如此則不獨人之困亦惟神之羞惟神裁之
敬以俟命尚饗

祭城隍神祈雨文二首

杜牧

下土之人天實有之五穀豐實寒暑合節天實生之也
苗方甲而水湮之苗秀旱而旱莠之饑則必死天實殺
之也天實有人生之孰敢言天之仁殺之孰敢言天之

不仁刺史史也三歲一交如彼管庫敢有其寶玉如彼

傳舍敢治其居屋東海孝順

集作婦

吏寃殺之天實寃之

殺吏可也東海之人於婦何辜而三年旱之刺史性愚

治或不至厲其身可也絕其命可也吉福殃惡止當其

身胡為降旱毒彼百姓謹書誠懇本之於天神能格天

為我申

集作升

聞

二

牧為刺史凡十六日

集作月是

未嘗為吏不知吏道黃境隣

蔡治出武夫近五十年令行一切後有文吏未盡削除
伏臘節叙牲醪雜湏吏僅百輩公取於民里胥因緣侵
竊十倍簡科民費半於公租刺史知之悉皆除去鄉正
村長強為之名豪者戶之得縱強取三萬戶中多五百
人刺史知之亦悉除去蠶絲之租兩耗其二銖租

集作
稅

穀之賦斗耗其一升刺史知之亦悉除去吏頑者笞而
出之吏良者勉而進之民物吏錢交手為市小大之獄
面盡其詞棄於市者必守定令人口


集作
戶

非多風俗不

雜刺史年少事得躬親，
瘠扶其根矣。苗去其秀矣，
不侵不蠹，生活自如。公庭晝日不聞人聲，
刺史雖愚，可曰無過力短不及，怨亦可也。殺亦可也。
穉老孤寡，指苗燃鼎，將穗秀矣，忍令萎死，以絕民命。
古先聖哲一皆稱天舉動行止，如天在旁，
以為天道仁則福之，惡即殺之。孤窮即憐之，
無過即遂之。今旱已久，恐無秋成，謹具刺史之所為，
下人之將絕，再告於神，神其如何。

為舍人絳郡公鄭州禱雨文
李商隱

年月日鄭州刺史李某謹請茅山道士馮角禱請於水
府真官伏以旱魃為虐應龍不興困杲日於詩人苦密
雲於易象生物斯瘁民食攸囏某叨此分憂俯慙無政
爰求真侶虔禱陰靈減哺表勤褰帷引咎伏乞下通榮
播上導天潢合為膏澤之原用息蘊隆之患其於効信
敢或逡巡暴露託詞焦勞結慮泉間候氣樹杪占風惟
望玉女之披衣敢駭商羊之鼓舞竊希玄感聽察丹誠



文苑英華卷九百九十六